

Broj: 05-02-4-5642/25
Sarajevo, 09.07.2025. godine

**PARLAMENT FEDERACIJE BIH
DOM NARODA PARLAMENTA FEDERACIJE BIH**

PREDMET: Izjašnjenje na delegatsku inicijativu, dostavlja se

Bosna i Hercegovina Federacija Bosne i Hercegovine PARLAMENT FEDERACIJE SARAJEVO			
Primljeno: 11-07-2025			
Org. jed.	Broj	Priloga	Vrijednost
05/2	- 02 -	121	125

Veza: Akt Doma naroda Parlamenta Federacije BiH, broj: 05/2-02-121/25 od 16.06.2025.
Godine;

Poštovani,

Shodno vašem aktu, broj i datum veze, dostavljamo vam izjašnjenje na delegatsku inicijativu (pitanje) koju je uputila delegatkinja Amra Babić.

Dostavljenom inicijativom predlaže se prihvatanje elektronske potvrde nastale u okviru elektronskog bankarstva kao validnog dokaza za plaćanje javnih prihoda, bez potrebe da ista bude ovjerena pečatom i potpisom bankovnog službenika.

Povodom predmetne inicijative ovaj organ je već dao svoje izjašnjenje aktom broj: 05-02-2380/25 od 03.04.2025. godine, gdje je ukazano da u vezi sa predmetnim pitanjem trenutno u Federaciji BiH postoji različito postupanje, uglavnom ovisno od tehničkih kapaciteta pojedinih organa, te njihove mogućnosti da na drugi način osiguraju dokaz da su takve uplate stvarno i izvršene.

Međutim ukoliko se ovaj problem posmatra cjelovito, u smislu da se isti unificirano riješi kada je u pitanju cjelokupna komunikacija između organa uprave i fizičkih i pravnih lica gdje se kao dokaz dostavlja nepotpisana i neovjerena potvrda iz sistema banke (ili bilo koja druga potvrda/uvjerenje), ukazujemo da se u tom slučaju radi o izuzetno zahtjevnom i vremenski dugotrajnom poduhvatu koji uključuje veliki broj aktera i propisa koji se u tom slučaju moraju ispoštovati.

Primarno, potrebno je imati u vidu definiciju elektronskog dokumenta koju daje važeći Zakon o elektronskom dokumentu („Službene novine Federacije BiH“, broj:55/13), a kojom se navodi da je elektronski dokument jednoobrazno povezan cjelovit skup podataka koji su elektronski oblikovani (izrađeni pomoću računara i drugih elektronskih uređaja), poslani, primljeni ili sačuvani na elektronskom, magnetnom, optičkom ili drugom mediju i koji sadrže osobine kojima se utvrđuje autor, vjerodostojnost sadržaja, te dokazuje vrijeme kada je dokument sačinjen. Sadržaj elektronskog dokumenta uključuje sve oblike pisanog teksta, podatke, slike, crteže, karte, ton, muziku i govor;

Nadalje, se navodi da se građa elektronskog dokumenta sastoji iz:

- 1) općeg dijela koji čini sadržaj – informacije u elektronskom obliku dokumenta, uključujući i naslov primaoca ako je elektronski dokument namijenjen slanju imenovanom primaocu i
- 2) posebnog dijela koji čine jedan ili više ugrađenih elektronskih potpisa i podaci o vremenu nastajanja i završetka izrade elektronskog dokumenta, kao i druge dokumentacione osobine nastale u toku njegove izrade.

Cijeneći inicijativu delegatkinje Amre Babić, vidljivo je da je ista usmjerena ka olakšavanju procesa plaćanja, posebno za fizička lica u njihovim postupcima koji se vode pred određenim organima uprave, međutim sveobuhvatno posmatrano potrebno je uzeti u obzir da isto zahtjeva cjelovit angažman svih organa vlasti u pravcu osiguranja neophodnih pretpostavki za njenu realizaciju.

Naime, bankovni nalog o izvršenom plaćanju, koji nije ovjeren i potpisan, da bi se smatrao vjerodostojnim morao bi da ima karakteristike elektronskog dokumenta, što primarno uključuje elektronski potpis kao njegov sastavni dio.

Dalje, svi organi i institucije koje učestvuju u postupku, morali bi biti tehnički opremljeni na način da su u mogućnosti utvrditi i konstatovati vjerodostojnost elektronskog potpisa, odnosno, da li je određeni dokument zaista potpisan od strane osobe koja je tim potpisom i označena. Činjenica je da sve naprijed navedene pretpostavke zahtjevaju osiguranje sredstava u budžetima, nabavku opreme i softvera, i nabavku el. potpisa.

Dakle, uvažavajući u cjelosti predloženu inicijativu u domenu poboljšanja efikasnosti rada organa u službi građana, ukazujemo da je za njenu realizaciju potrebno ispunjenje niza drugih uslova, koji uključuju potpunu saradnju svih nivoa vlasti, dodatna materijalna sredstva te njihovu zajedničku opredjeljenost ka ovom cilju – uvođenje elektronskog poslovanja, što je ujedno i razlog da ova inicijativa ne može biti realizovana samostalnim i samoinicijativnim djelovanjem ovog organa.

S poštovanjem,



CO: Generalni sekretarijat Vlade FBiH